

## E Marienkapell unn enn Marienplatz

Gessdern habb isch de Schorsch uffem Norma-Parkplatz getroffe, doo frächder gleich: Ei wo kimmsde donn her, Honnes? Unn was mächsden ferr Gesicht?

Isch gebbem Antwort: Gude Schorsch. Ei isch war uff de Bonk unn doo habb isch de Heine getroffe, der mächt sisch halt Gedonke.

Frächt de Schorsch weider: No, iwwer was donn?

Isch saach: Ei hier iwwers Gelände unn gons besonnens iwwer die Kapell doo hinne.

De Schorsch hott e bissi dumm geguggd. Was issen mett dere Kapell?

Isch war gons uffgereeschd: Ei de Heine hott gemoont, die hädd emol abgerisse werrn solle, su vor e paar Johr, awwer Maria sei Donk ...

De Schorsch hott mich unnerbroche: Du moonst Gott sei Donk!

Naa, saach isch, werklisch Maria sei Donk, wo dess doch e Marienkapell iss.

De Schorsch hott meddem Kobb gewackelt. Dess iss nitt dem Heine soin Ernst?

Isch habb gelacht. Naa, ess war nitt emm Heine soin Ernst, ess war de Heine sellwer, der gesaad hott, dass ess e gons wischdisch Kapell gewese iss, unn die Heine moont, dess soll widder oo werrn unn seet, wenn jetz hier gebaut werrd, mett so oom Investor, der deet su vill Geld ausgewwe, dass merr meddem ausmache kennt, dass er e bissi was ferr die Kapell iwwerisch hädd.

De Schorsch hott genickt. O ja, dess wär gut.

Isch saach weider: Unn dann hott de Heine noch gemoond, ess wär aach gut, wenn der Platz uff dem merr hier sinn enn scheene Nome kriehe deet.

Ei was donn ferrn Nome?, frächt de Schorsch

Isch druff: De Heine hott gesaad, dasses gut wär, wenn der Platz hier nooch demenische Heilische gedaafd werrn deet, dem aach die Kapell geweiht gewese iss. Unn weil dess koon Heilische, weil dess die Muddergottes gewese iss moonder, dass der Platz Marienplatz genennd werrn soll.

De Schorsch war nitt iwwerzeucht. Die Kapell iss werklisch e Marienkapell gewese?

Ja, saach isch, dess war oo. De Heine hott merr verzählt, frieher hädd die Kapell enn blaue Himmel gehabbd, mett goldische Stern dezwische. Dess dut schunn emol uff die Muddergottes hiedeute. Unn jetz hodder eraus krieht, dass von dere Kapell die Pieta in die Krieschergedächtniskapell kumme iss, im Johr 1927 odder 1928. Die Deck dort wär sellemols aach mett Himmelsblau unn goldene Sterncher gemold worrn. Dess alles deet bewaise, dass die Kapell doo vorne e Marienkapell gewese iss. Doo wärs doch nitt mieh wie recht, wenn merr se meddere Marienfigur, su e schee historisch Figur ausstatte unn widder oiseeschene deet.

Jetzt war aach de Schorsch Feier unn Flomm. Wo krieht merr donn su e Figur her? Die iss doch bestimmt gons schee deier, doo misst merr halt sommele. Unn wenn merr e Madonna hott, kann merr die Kapell aach Marienkapell nenne und de Platz devor Marienplatz.

Isch habbem uff die Schulter geklobbd. Rischdisch, Schorsch. Unn isch denk, dess wär enn scheene Nome: Marienplatz! Weil donn hädde merr e schee Kapell unn aach enn Platz wie die Münchener unn aach wie die sogar meddem Rothaus, enn werklische Mittelpunkt in Flerschem, den jeder gern besuche deet. Dess wär doch ebbes. Odder? Iwwerischsens: Omm nächste Sunndaach kann merr se besichtige, die Kapell, mittags um Drei.

Eiern Honnes